

摩訶般若波羅蜜大明咒經

鳩摩羅什譯

妙諦法音

南無本師釋迦牟尼佛

自歸於佛 當願眾生 紹隆佛種 發無上意

自歸於法 當願眾生 深入經藏 智慧如海

自歸於僧 當願眾生 統理大眾 一切無礙

摩訶般若波羅蜜大明咒經

觀世音菩薩，行深般若波羅蜜多。時，照見五陰空，度一切苦厄。

舍利弗！色空故，無惱壞相；受空故，無受相；想空故，無知相；行空故，無作相；識空故，無覺相。

何以故？

舍利弗！非色異空，非空異色；色即是空，空即是色。受想行識亦復如是。

舍利弗！是諸法空相，不生不滅、不垢不淨、不增不減。是空法，非過去、非未來、非現在。

是故，空中，無色、無受想行識；無眼耳鼻舌身意，無色聲香味觸法；無眼界，乃至無意識界；無無明，亦無無明盡；乃至無老死，無老死盡；無苦集滅

道。無智亦無得，以無所得故。

菩薩依般若波羅蜜故，心無罣礙。

無罣礙故，無有恐怖。離一切顛倒夢想苦惱，究竟涅槃。

三世諸佛，依般若波羅蜜故，得阿耨多羅三藐三菩提。

故知般若波羅蜜，是大明咒、無上明咒、無等等明咒，能除一切苦，真實不虛。

故說般若波羅蜜咒。即說咒曰：

竭帝 竭帝 波羅竭帝 波羅僧竭帝 菩提僧莎呵

摩訶般若波羅蜜大明咒經

⑧

①「盡」通「滅」解。即無無明生，無無明滅。〔大般若經第四卷〕

②咒語的含義在於：諸法實相，即是一相、不二相、空相、無相、清淨相。

心行處滅，言語道斷。去到彼岸後，必須無有取著，方能清淨、登岸、解脫自在。

本經云：「照見五蘊皆空，度一切苦厄。」

又，《金剛經》云：「如筏喻者，法尚應捨，何況非法！」

倘有所取著，不能放下，則雖到彼岸，仍未能登岸。因而未得出離苦海，未得解脫自在。

受持及讀誦 讚歎並宣說 福慧俱增長 災障悉消除 現眷咸安康 先親得超昇 見聞與隨喜 皆共成佛道



妙法寺 香港新界屯門藍地青山公路18號 mfbm.hk